

1925.



Plakat-Schangi.



1. S'Plakat isch hite Näbesach!
Viel wichtiger, persée!
Isch's Hittli, wo me's anekläbt:
Do hasch's zum Byschpiel gseh!
Me stellt an Rand no so-me Ding
E Vogelschiichi druff!
Lueg's a-und wenn d'Verzmüßig kunnt —
Ergisch Di halt im Suff!

2. D'r Trüller het vo jehär gärn
Si scheene Sabel g'meyt!
Und immer het's dr Schnyder drum
In haissi Wuet versetzt!
Bim Schilachfescht an dr Falknerschtrooss,
Los Trüller, ka das sy?
E-n Aff hebsch g'ha! dr Schnyder saits,
Nit zimpftig, doch e gly!

3. Wenn's ebbe-n-aïne noni waiss,
Dr Znagge sait em's gly,
An jedi Frucht goht d'Wäschpi dra,
'Smiesst scho-n-e fuuli sy,
Doch waiss me nit wie's use kunnt,
Wenn me an's Hirni podit?
Isch d'Schaaale scheen, dr Kärn isch fuul —
Do lit dr Hund verlodit!

4. E Schand isch's, wenn e Bombeschuss
Die halbi Schtadt uffroeggt,
Drum wird die nägschti Barb'rafyr
In d'Dalbe n-uff verlegt,
Und macht au denn dr Pulver Krach,
Kai Bai froggt nit drno —
Der „Pulver“ raubt de Bebbi deert,
Dr Schlof jo sorwieso!

5. Natyrlig isch in Ziri jety'
E Radiostation baut,
Und selboerschändlig wird drdurch
Die ganzi Stadt versaut!
Blagiere mien-si einewäg:
— O machet d'Schüre zue!
Wenn's 3'Basel an de „Wälle“ fählt,
In Ziri hänn si gnue!

6. Wenn' d'zähmol au e Basler bisch,
Me mecht doch ebbis gseh!
Me frait sich uff e „Ba-ta-Clan“!
Me goht in's Variété!
Pariserkepf! Pariserhärz!
Pariserstrumpf und -rock!
E Färrohr a-m-e Glahjekopf —
Und fertig isch dr Bodt!

7. E jede rächte Baslerfratz
Er pffitt uff alli Dänz!
Und draimt nur no vo Bluemefeschit
Und Scheenheits-Konkurränz!
Er legt e lichte Fähe n-a,
Domit er jo nit schwißt!
Nur schaad isch's, dass dr scheenschti Dail
Im Kratte-n-inne siht!

8. E Jumpfere-n-und e Drotschgegaul,
'Sott d'Amazone sy!
Me schleppt si durch die ganzi Schtadt,
Me schleppt si bis an Rhy!
D'Schiffländi isch dr ginschtigschti Ort
Wo jede Gnode brunzt!
Deri ane kunnt die Missgeburt!
Dä Egge isch verhunzt!

